



**DEMOKRATSKA
FRONTA**



**SKUPŠTINA KANTONA SARAJEVO
KLUB ZASTUPNIKA DEMOKRATSKE FRONTE
ZASTUPNICA VEDRANA VUJOVIĆ**

Za:

VLADA KANTONA SARAJEVO

Ministarstvo za boračka pitanja

Fond IKRE

Na osnovu člana 212. Poslovnika Skupštine Kantona Sarajevo upućujem:

ZASTUPNIČKU INICIJATIVU

Polazeći od Izjašnjenja Ministarstva za boračka pitanja Kantona Sarajevo broj 06-04-57021/25 od 13.03.2026. godine, kojim se u cijelosti podržava zastupnička inicijativa za izmjenu Uredbe o načinu i uslovima ostvarivanja prava na dodjelu stipendija borcima–braniteljima Bosne i Hercegovine i njihovoj djeci, te Informacije Fonda 'IKRE' broj 02-2-111/26 od 11.03.2026. godine, kojim se izražava saglasnost da se što hitnije pristupi izmjeni navedene Uredbe, podnosim inicijativu da:

- Vlada Kantona Sarajevo u roku od 30 dana utvrdi i usvoji izmjene i dopune Uredbe o načinu i uslovima ostvarivanja prava na dodjelu stipendija borcima–braniteljima Bosne i Hercegovine i njihovoj djeci („Službene novine Kantona Sarajevo“, broj 41/22, 37/24 i 38/25), na način da se: kao ravnopravan kriterij uspješnosti studiranja, pored prosjeka numeričkih ocjena, uvrsti i PASS/FAIL sistem ocjenjivanja za studente III ciklusa na Univerzitetu u Sarajevu, kroz potvrdu o položenim ispitima, ostvarenom broju ECTS bodova i urednom statusu redovnog studenta bez zaostalih obaveza, čime se otklanja postojeća diskriminacija studenata III ciklusa UNSA, djece boraca.

- Vlada Kantona Sarajevo obaveže Ministarstvo za boračka pitanja i Fond 'IKRE' da u rebalansu budžeta i kroz preraspodjele u tekućoj budžetskoj godini planiraju i osiguraju dodatna finansijska sredstva potrebna za stipendiranje studenata III ciklusa koji su do sada bili isključeni zbog važeće Uredbe, kako isti ne bi bili prinuđeni ostvarivati svoja prava sudskim putem.

Obrazloženje:

Ministarstvo za boračka pitanja Kantona Sarajevo je u svom aktu broj 06-04-57021/25 od 13.03.2026. godine izričito navelo da podržava inicijativu za izmjenu Uredbe i da će 'poduzeti aktivnosti na izmjenama i dopunama Uredbe do naredne školske godine kako bi se na taj način svim studentima omogućilo učestvovanje u ostvarivanju prava na stipendiju'. Fond 'IKRE' je u Informaciji broj 02-2-111/26 od 11.03.2026. godine naglasio da se 'treba krenuti što brže u procedure izmjene navedene Uredbe kako u narednoj školskoj godini ne bi naišli na isti problem i nezadovoljstvo studenata treće godine III ciklusa studija', te da bi izmjena Uredbe 'znatno olakšala rad Fondu IKRE, a studentima omogućila učestvovanje u ostvarivanje/neostvarivanje prava u skladu sa ostvarenim brojem bodova'.

Imajući u vidu da je zbog važeće Uredbe već odbijen značajan broj djece šehida, poginulih boraca i boraca koji studiraju na III ciklusu, te da su pokrenuti upravni sporovi pred nadležnim sudovima, postoji očigledan javni interes da se u što kraćem roku izvrše izmjene Uredbe, otkloni diskriminacija studenata III ciklusa UNSA i preduprijedi daljnje opterećenje budžeta Kantona Sarajeva troškovima sudskih postupaka

05.05.2026.

Vedrana Vujović s.r.